

Universitätsbibliothek Paderborn

Vera Concilii Tridentini Historia

Contra falsam Petri Suavis Polani narrationem

Pallavicino, Sforza

Antverpiae, 1670

Capvt II. Coorta contentio cum Oratore Hispano de particula,
proponentibus Legatis. Mandata ad ipsum à Philippo Rege super eo missa.
De hoc Patrum & aliorum, ac praesertim Caesarianorum sensus. ...

urn:nbn:de:hbz:466:1-11718

1563.

C A P V T II.

Coorta contentio cum Oratore Hispano de particula, proponentibus Legatis. Mandata ad ipsum à Philippo Rege super eo missa. De hoc Patrum & aliorum, ac præsertim Cæsarianorum sensus. Inducia de hac ipsa re usque ad Cæsaris responsum.

Facultas à Legatis concessa Oratoribus proponendi pro ipso-₁ rum arbitratu in Conuentibus, haud satis fuit, ne Lunensis denuò Regis nomine sollicitaret, vt particula, proponentibus

a In Syngrapha 21. Junij, vbi Rex neutri ex propositis consilijs acquiesceret. Aiebat Lunensis à nobis suo loco recitata: & vide l. 21. cap. 5.

b Cuncta exstant in litteris Legat, ad Borom. 27. 29. & 30. Septembris, & 3. Octob. & fuisse in literis Oratorū ad Cæsarem, 3. Oct. 1563. & Lunensis ad eundem 5. Octobris, vbi habetur articulus ad Lunensem scriptus à Rege, 17. Augusti:

Legatis, aut tolleretur, aut explicaretur ^a, prout ipsi spouonderant, Regem considerasse, cùm ipse tam ingentem partem orbis Christiani possideret, se obstringi ne permitteret dici posse, inducere id quod tam graue detrimentum inferret Concilijs in posterum. Et reipsa Rex significarat Lunensi, cùm sibi ostensa fuisset Legatorum syngrapha (quoniam à Lunensi nondum nuntios de eo acceperat, & celeritatis studio rem præuertere per mandata curabat) neutro ex consilijs sibi satisfieri. Non quidem promissa declaracione in fine Concilij: nam fieri poterat, vt personarum mutatio, vel aliud quidpiam accideret, vnde in exitu Synodi promissa explicatio omitteretur, & ea particula permaneret, ad perpetuam memoriam exemplique posteritatis. Non item alio consilio, quod ibi dicebatur à Morono fuisse cum Cæsare initum; quod licet non explicaretur in syngrapha, tamen, quantum deprehendi poterat à Rege ex quadam summa rerum Oeniponti agitatarum, erat, vt Oratoribus, petitâ prius facultate proponendi à Legatis, etiamsi hi recusarent, liceret nemine interposito id peragere; hac enim ratione Patrum libertas haud seruaretur illæla, cui pariter consulendum erat: praterquam quod ea circuitio, præscripta Oratoribus, querendæ prius facultatis à Præsidibus, iniecisset moram ac sèpè obicem ipsi propositioni, aut faltem euentui. Quamobrem sollicitè curaret Lunensis particule declarationem, secundum postulatum ab ipso iam traditum, ac relatum in eamdem Legatorum syngrapham. Nec remedium sufficiens adhuc à Rege cognosci in promisso illic ab ipsis exhibito, vbi ab eo utrumque commemoratum consilium reijceretur, nimurum, ut illi habendam curarent à Synodo explicationem secundum epistolam Pontificis; tum quia huiusmodi respectus ad prædictam epistolam valde ambiguus ac dubius erat, cùm fieri posset, vt epista-

stola

Historia
Concilij II.

Parte III.
S. I. 17.

stola petitioni Regis non consonaret; tum quia satis non erat quæcumque simplex declaratio, sed solemnis petebatur, & quæ referretur in Acta Concilij, ad perpetuam memoriam, publicamque notitiam. Id si Lunensi negaretur, ad imperatam contestationem progrederetur, cum offensione ac strepitu quam fieri posset minori, sed absque cunctatione, siue cum ipso reliqui Oratores concordarent, siue non concordarent.

Hæc mandata, decimoquarto Septembri ad Lunensem delata, ipsum magnoperè inflammavunt, ac sollicitarunt e; & fortassis illum ad festinandum stimulabat id quod sub arcana fide cum Cæsareis communicauit ^d, nisi hoc ipsum egerit ex arte, ad eos escâ ipsorum appetentiæ congruenti pertrahendos. Velle se tam citò eam declarationem, quia cùm instaret finis differendi de viginti & uno articulis, adeoque initium loquendi de reliquis, in quibus articulus de Principibus continebatur, habebat in animo, varia illi directè opposita petere, adeoque rei euentum obturbare; ac propterea optari à se, vt cunctis lingua solueretur, eius retinaculis non amplius in Legatorum manu remanentibus. Illi nequaquam se difficiles ostenderunt declarationi, quæ moderatos inter limites esset: sed huiusmodi non videbatur ipsis id quod intendebatur à Lunensi, & cuius sententia fuerat illis significata, cùm is moderatores formulas, à Cæsareis oblatas, ex regio mandato reijceret. Et discordia, quantum comporio, ad hoc redigebatur, quòd Legati ^e consentiebant huiusmodi Decreto, ne per ea verba libertas vlli auferretur in Synodo exponendi quidquid liberet; sed Lunensis volebat, vt exprimeretur verbum *proponendi*, vel certè diceretur, ea verba, quod spectabat ad ius vlli addendum, auferendumve, perinde se habere, ac si non scripta nec dicta fuissent: quorum prius videtur Legatis incommodum, posterius indecorum. Nec ipsis tantummodo permolestum id erat, sed etiam Patrum compluribus; quippe qui sibi à Pontifice relictum experiebantur quantum cuperent libertatis, & ex altera parte illius violatores Principum ministros existimabant, tum in præscribendis rebus, de quibus deliberandum esset, tum in expellendis Tridento publicis Procuratoribus, tum in prohibendis peculiaribus cœtibus, qui hac illâue ratione haberentur, tum etiam in ipsis per publicas declamationes obiurgandis. Quapropter censebant, illius aggeris apertioñem sibi non laxitati, sed oppressioni futuram. Idcirco cœperunt ipsi dolere, & conqueri cum Legatis, quòd esset animus vulnerandi Decreti, ab uniuerso Concilio summâ conſpiratione confecti. Legatis

Sss 3 obſta-

^c In litteris
Lunensis ad
Cæfarem.
^d In epistola
Oratorū ad
Cæfarem
^e 3. Octobris.

^e Littere Mo-
roni ad Bor-
rom. 7. Oct.
1563. & va-
ria formulæ
illius decla-
rationis ma-
tuò proposi-
te, in Moroni
monumentis
contentæ.

1563. obstaculum haud dispicebat; obstringebantur tamen promissione, Lunensi exhibita ex mandato Pontificis. Sed quemadmodum inter angustias augetur mentis attentio atque animaduersio, relegunt epistolam Pontificiam, ad se Maio præterito scriptam, ex qua fidem suam Lunensi obstrinxerant, & in ea naucti sunt id, de quo Rex prudenter dubitarat in producto à nobis responso ad Lunensem; Pontificem non iubere vnum potius quam alterum Decreto confici aut curari, sed ita loqui: *Quoniam hi Principes adeò postulant Synodi libertatem, eisq; videtur per ea verba, proponentibus Legatis, quæ nobis inscrys fuerunt apposita, libertas adimi; placeat vobis aut in Conuentu generali aut in Sessione proponere Patribus, numquam nostram mentis fuisse, per ea adimere Synodo libertatem, sed potius confusionem. Eapropter velle nos, ut cunctis enuntietis & declareris, Concilium esse liberum: quod si videatur Synodo explicanda, aut omnino tollenda esse verba illa, vos acquiescatis: & insuper vobis compertum sit, quidquid conficietur à Patribus, nobis gratum fore, planeq; satisfactum, quò Principes omnes populiq; cognoscant, nos, quantum in nobis erit, effecturos, ut fructuosi Concilij finem asequamur. Quod animaduersum à Patribus nouitati repugnantibus, ansam illis præbuit ad variandam vocem, exclamantibus, Epistolam Pontificis prudentem ac sanctam esse, & adamassim adimplendam, remissa deliberatione Concilio, Legatis tamquam auctoribus nihil certi proponentibus.*

In hanc igitur sententiam Lunensi responderunt Præsides. Sed ille conditionem non accepit, animaduerso euentus periculo, nisi Legati ad Conuentum retulissent nouum Decretum, tamquam ab ipsis formatum, & nisi auctoritate suâ viam sternerent. Considerabat, ob absentiam Lotharingi, & quorumdam Hispanorum, qui aliò diuerterant, per eam Sessionis moram, & ob memoratam complurium Gallorum profectionem, vrnam in Italicorum potestate sitam, quorum sensu à Transmontanorum sensu longè dissidebat; & audierat, supra centum conuenisse in re proposita refellenda: quam si pateretur Conuentus repulsam, intelligebat ille, contestationem postea odiosam futuram, quippe directam non tam ad reparandam Synodi libertatem, quam ad impugnandam Synodi voluntatem. Ex altera parte se tuebantur Legati, quod sibi non licet progredi ultra mandata Pontificis, ab ipsis Hispanis imperata, sibique exemplum in eo exhiberi à Lunensi, adeò regijs mandatis defixo: nihil aliud velle se, nisi Concilij libertatem, pro eo quod effecta monstrabant. Sed Lunensis iterum: Acquieturum fuisse consilio tunc oblato ante viginti dies: at postea, cum inter ipsos con-

venerit de refiendo Decreto , eius modulis digestis , ac mutuū
communicatis , videri sibi præposterè id agi , adeoq; suo in ani-
mo sensus turbidos excitari .

1563.

⁴ Quò æquior causa Legatorum apparebat , eò validiora à Lunensi
objēcta videbantur . Illi tamen se defendere nitebantur , respon-
dentes : Si Lunensis anteà congruenti declaracioni consentisset ,
eam ab ipfis obtenturum illum fuisse , dum per cautionem mino-
rem , minusque subtilem intuitum procedebant : sed cùm idem
declarationis formam postularet , adeò ipsorum muneri indeco-
ram , eos impulerat ad habendum de re consilium in cœtu pecu-
liari apud Simonettam , coram multis Patribus , ibique lustratis ite-
num Pontificijs mandatis , acutiori obtutu obseruatum ab ipsis
fuisse id quod anteà non animaduerterant ; idcirco mirum viden-
dum non esse quod illud recusarent , cui anteà præstò erant , cùm
ibi fas esse arbitrabantur : quòd autem ea facultatis vacuitas , à se
priùs producta , adspersus excusationi color non esset , sed sincera
veritas , palā fieri ex ipsis verbis epistolæ Pontificiæ , ab Hispanis
imperatae .

Petij ab illis Lunensis , vt facultatem , quâ carebant , à Pontifice
quererent . Ipsi negarunt , suum munus , aut gradum , aut bonum
commune sibi suadere , vt in huiusmodi caufa Procuratorum par-
tes susciperent : duos Regis Oratores Romæ degere , quibus lice-
bat rationes precesque sui Principis exponere Pontifici , ac eius pri-
mis nutibus sè obtemperaturos . Sed Lunensis animaduertebat ,
Romæ difficulter quidquam amplius impetratum iri , cùm posset
honestà specie Pontifex obijcere postulatis Hispanorum eamdem
libertatem Concilij , ab illis adeò imploratam . Quare eò quoque
deuenit , vt Praesides percontaretur , an vbi simplex forma proposi-
tionis in Synodo reponeretur , ipsis crederent comprobatam iri .
Si enim affirmarent , rebatur , hoc pacto iam illos obstrictos ad
dandam operam , quâ se veraces augures ostenderent . Sed illi pru-
denter cauti responderunt , Nullum præsagium difficultius conti-
ngere , quâm de rebus à complurium arbitratu pendentibus ; posse
tamen credi , cùm ea propositio Patrum potestati faueret , illam ex
priuata propensione minimè reiectam iri . Lunensis , nullâ sibi acces-
sione commodi per eam responsionem animaduersâ , noluit repulsa
indecora periculo Regem , se , causamque subijcere . Quare nullam
non mouere machinam destitit . Sæpius ille cum Legatis sermonem
habuit : curauit , vt Hispani Praesules , quâ Lunensis nomine , quâ
proprio ipsorum , & per speciem ferendi consilij , acerbasque tragœ-
dias

1563. dias prænuntiandi, si Lunensi, quin & Regi in re tam expedita non satisiceret: & quod supra reliqua vim habebat, fœdus iniit cum alijs Oratoribus, Gallo (vnus enim aderat, Fabro Venetas profecto) Lusitano, Cæfareis. Sed omnes dum Regis postulatum persuadere studebant, videbantur in colloquijs cedere contrarijs rationibus, & suam operam ad permouendum ijsdem Lunensis animum pollicebantur: quod si non eueniret, sicuti reipsa non euenit, excusabant seipso, quod illum deserere sibi non licet ob diserta suorum Principuni mandata. Inter eos tamen Cæsariani negarunt, se ad paratas contestationes, secum à Lunensi communicatas, concursuros, non acceptis anteà nouis disertisq; ad hæc Ferdinandi mandatis; ac multò magis abhorrebant ab illius postulati societate Ora-
tores Polonus & Veneti, cum reliquis Italicis.

Cunctas admouit vires Lunensis ad peruincedos Cæsariano-
rum animos, quorum adeptionem & faciliorem & validiorem ille
censebat. Redigebat ipsis in memoriam generalia amplissimaque
mandata, à Cæsare illis præscripta, vt cum Lunenti coniungi
vno simul gressu procederent: quam Oratorum coniunctionem
postulari ab arctissima coniunctione & sanguinis & animorum
& vtilitatum, quâ ipsorum Principes connecebantur. E diuerso
Moronus clypeum obtendebat, qui Gorgonem imitari videbatur,
aduersus formidabiles Cæsarianorum impetus, ipsis denuntians,
vbi ex parte Cæsaris, in cuius tutela Synodus extabat, ad contesta-
tiones deueniretur, adeò vt is ex patrono se aduersarium profere-
tur, Legatos illico inde abituros, Conuentu dimisso. Quânam ne-
cessitate, quâve vtilitate postulari, vt dum tam feruidæ morum
emendationi, adeò expeditæ, opera impendebatur, perturbandum
esset opus propositione importunâ, ac discordiæ plenâ? Credibile
non esse, Ferdinandum velle vt nunc Oratores sui oppugnarent
illud ipsum, cui in negotijs Oeniponti transactis idem confenserat,
cùm cernebat effecta promissis plenè respondentia, per integrum
libertatem Synodo concessam: quod si quid amplius optaret Lu-
nensis, id à Patribus ille postularet, pro æquissimis mandatis, ipso
suisque Hispanis potentibus, à Pontifice missis; & Legatos non co-
geret ad proferendum Conuentui Decretum, quod ab ipsis rationi
dissentaneum putabatur. Huic ratiocinationi cessere Cæsariani, ac
præcipue tribus de causis. Vna erant minæ præcidenda Synodi,
quod nouerant quâm molestum Cæsari contigisset: alia, recens
eiusdem prohibitio, né contestarentur ob articulum, qui adhuc
multò magis illi cordi erat, hoc est, ob articulum de Principi-
bus:

bus; postrema, consilium concorditer initum cum Morono Oeniponti, cui huiusmodi contestatio ipsis videbatur officere. Quare deliberationem per expeditum tabellarium Ferdinando commisere.

1563.

7 Lunensis saepius denuntiarat Legatis se contestaturum; ita tamen, vt ne latum quidem vnguem excederent suæ contestationes id quod causæ necesse erat, sequæ intra fines reuerentis modestiæ continerent. Cui Moronus per iocosos simul ac penetrabiles tales: Sperare se, tam pium virum haud commissurum, vt inter Protestantes numeraretur, præsertim cùm inter suum Regem ac Pontificem tanta benevolentiaæ coniunctio intercedebat. Sed validius quām huiusmodi respectus, hominem fortasse retinuit ea consideratio, quod paratae contestationi nimium deesset, dum Cæsarei nominis robur deerat. Idcirkò tantisper supersedere decreuit, dum Ferdinandi responsum præstolaretur, quem de negotio plenè certiore fecit, misso simul exemplo mandatorum quæ acceperat à Philippo Rege: Secum conuenire in eo, tamquam in communica causa, Ora-tores Galliæ ac Lusitanizæ: confidere se, Cæsarem quoque consen-surum, ad quem supra ceteros spectabat, ob gradus celitudinem, illæsam Conciliorum libertatem seruare. Contrarijs significationibus haud fidem haberet, affectatas excusationes eas esse, & artificio-sas moras: se libenter cunctari, donec responsa Cæsaris acciperet, tum ob debitum illi obsequium, tum ob dignitatem grauissimæ illius rei. Verum vbi fortasse negaret ipse suis Oratoribus in societatem illius negotij venire, non propterea sibi fas esse desistere ab re-perficienda cuim reliquis Oratoribus, secundū alteram ex formulis contestationis^f, quas ad ipsum mittebat. Eiusdem notas pruden-tissimas in articulis disciplinæ à se perfectas fuisse, easque sibi omnino probari; præcipue verò velle se coniunctim agere cum ipsius Oratoribus in articulo laicorum Principum, & in oppugnandis de-trimentis, si quæ fortè in ipsis tentarentur.

8 Suavis de hoc negotio omne visibile vidit, si verum est, sensum visus ultra corporis faciem non progredi; nihil tamen de antecedenti syngrapha, à Legatis Lunensi tradita, nihil de nouis Hispani Regis mandatis, nihil de rerum tractationibus cum Cæsare. Sed opus illi non erat emendicare ex aliorum narrationibus rem gestam, qui adeo ferax erat suarum in commentitijs inuentionum. Affirmat, Patres impulsos ad refragandum fuisse ab occulta Legato-rum opera; perinde quasi supra centum capita (is enim refragan-tium erat numerus, & Lunensis & Cæsaris testimonio) pertrahi

Eius sententia extat in ter Monu-menta Moro-ni Cardinal.

Pars III.

Ttt

possent



1563. possent occultis machinis ante lynceos oculos tot Oratorū; ad quod ministerium terreni Ioues opus non habent fabulosō Mercurio, Argi interfectorē, sed illius operā, qui non minor Mercurio Argus sit.

C A P V T III.

Dicitæ in cœtu Generali sententiæ super viginti uno capitibus de morum correctionibus.

Quam iniquè accusata fuerit Synodus, quod ipsa leges disciplinæ declinaret, comprobatur eodem ipso tempore feruensibus continuisque confessibus, in quibus illæ cudebantur.

a Canones, de quibus dictæ sunt hæ sententiæ, fuerant reformati, & propositi Patribus 5. Septembris; vt in Actis articulis Aeliae, & Paleotti: & in litteris Iadensis sunt relatæ sententiæ secundum tenorem in Historia nostra descriptum.

Earum sententias hīc non affero, quæ tunc expensæ sunt: cum enim leges illæ varias in sententias sæpè mutataæ fuerint, existimo, lectoribus haud gratum fore tot embryones adspicere: ex ipsis sententijs quoque, ut de more Historiæ legibus seruiam, & alios ab ea molestia liberem, quæ ab ordinarij prolixitate generatur, solum eligam utiliora, & iucundiora scitu.

Lotharingus, vti prior in dicenda sententia, ita pariter longior fuit, cum de cunctis articulis accuratè differuerit. Sic exorsus est: Se non erubescere confiteri, numquam in eo loco locutum se fuisse animo turbatiore quam tunc, dum intelligebat, iudicium à se prolatum iri de morum reparacione, quæ ad Episcopos potissimum spectabat. Obijci memoriae suæ, multò magis se in Aula quam in Ecclesia fuisse versatum, magisque inter Principes ac Dynastas, sui Regis iussu, quam inter Theologos; tamen ea se dicturum, quæ sibi conscientia suggestisset, propensiore sanè animo ad accipendam ab aliorum sententia normam, quam ad eam aliorum operibus prescribendam: ac in primis quidem non posse à se maxime non commendari prudentiam & alacritatem Pontificis ac Legatorum, qui tam egregiè in eo negotio se gerebant.

In primo capite, vbi sermo erat de Episcoporum electione, petit, ut vbi dicebatur, dignos esse eligendos, poneretur, digniores, quod postea maior pars comprobavit. Suasit, ut variae adderentur diligentiae ad exactam notitiam habendam, antequam quispiam ad illum gradum eleheretur, quandoquidem tam multæ statuerantur ad Ostiarij munus conferendum. Quoniam autem habebatur, cuncta gratis facienda; postea vero in syngrapha illius, qui à secretis erat, lectum est, particulam illam b fuisse deletam petente Lunensi, ne, sicut arbitror, detrimentum inferretur iuri Cardinalem,

b Litteræ Iadensis. 13. Septembris.